

00250 53
136
24

義寧州志

七卷至十三卷

風俗志

土產志

古蹟志

封爵志

秩官志

兵衛志

武事志

金石附
邱墓附

舊統轄
各文武

營制
塘汛

第四冊

義寧州志卷第七

風俗

漢之西城民素尚義在宋置軍嘉名曾畀人敦氣節俗畏清議山谷興行濂溪敷治士魏簪紱氓勤耕織

帝曰知方邑名

加賜益勉敦龐共勗厥志志風俗

豫章學家分寧最盛鄉黨命儒者出入人皆知為可貴黃亞夫

檀集

有秦伯虞仲季子之風故處士有巖穴之雍容有屈原宋玉

枚舉之筆故文章有江山之秀發黃庭堅道院記

故寧遺俗皆知尚氣節畏清議黃幹文集

分寧多強宗大姓宋晉陵胡文恭集

義寧州志

卷七

風俗

三百九十五

分寧雖深僻險絕然代出偉人宋吳氏能改齋漫錄

高山深林與世俗遠古學之士多莪冠博衣深隱乎其中虞道

園集

山峭而水清人生其間者大率任俠尚氣吳草廬集

分寧土俗自來淳樸濂溪過化山谷興行民情士習猶有慕

善之誠元歐陽圭齋文集

忠節凜凜仁義藹然寧前後不僅山谷一人張東白山谷祠堂記

風氣藏聚別是一境不惟秀民之多文章節義之士所由出

楊廉州治記

濂溪紅鐸之地山谷桑梓之鄉諸生之文大抵秀穎靈異意

脉自然不襲常詮亦不墮今時惡習刑僉憲濂山會課序

居市井者多文學處田里者無囂訟明宏治志

其君子魏簪紱其細民勤耕織萬恭撰記

其土厚而沃其民樸而淳其居處高明爽塏其氣候和煦熙
恬其廛市貿易一切皆布帛菽粟不知有紫磨白鏹可珍
其積聚蓋藏富者有十年之蓄貧者有三年之儲其俗自
少至壯不覩雕幾纂組笙篴洞簫琵琶箏絃耳不聞官長
是非口不道國家理亂目不識烽烟戍壘錢簡樞九十九
曲洞天記

詩書禮樂攸萃蟬冕章紱儷古鄒魯喻均撰志

峭削竒峯頽能畫漢漕泓修水冽可鑿眉固知為文章之興
府而節義之名區黃牧文麟濂山社稿跋

其山秀削干雲其水澄泓不見底其士大夫多樸茂而溫文
其小民黠者囂訟而質者知勤力業方訥庵重修儒學記
隆萬來尚義勤力城鄉士庶猶然成宏遺風州方志

義寧州志

卷七

風俗

二

二百六十三